

張光弼詩集

二

刻第二卷

每半葉十

三行與卷

一同每行

二十四字

卷二異

張光弼詩集卷之六

七言律詩

投贈潞國公承旨學士張仲舉

漢家舊德有桓榮
赤舄登朝羽翼成
三晉鳳鳴千載會
兩河龍見五雲迎
獨於社稷多艱日
復使君臣大義明
自念昔曾親几杖
頌歌慙後魯諸生

投上中書右丞相

履舄從容自九重
相王忠孝更誰同
千年帶礪猶初誓
萬國臣鄰盡下風
星貫紫垣朝佩劔
月臨黃道夜傳弓
漢家若論安劉策
四皓難書第一功

五府驛代楊左丞留題 後有楊維禎次韻

免胄日趨丞相府
解鞍夜宿五侯家
玉盃行酒聽春雨
銀燭照

人如晚霞受命敢忘軍旅事撫時又過掖垣花漢家未可輕韓
信尚要生擒李左車

束髮從戎十五年戰回平地血成川英雄生世有如此忠孝報
君常慨然憐擾弄兵俱赤子中興有道自皇天猖狂暫假姑蘓
息繫頸終須拜馬前

湖山堂宴贈天使還京

畫旗風裏綉筵開竟日歌鐘樂未回柳拂玉鞍秋繫馬酒淹羅
袖醉傳盃杭城近自月前復使者適從天上来歸對大廷真得
寶眼中諸將盡奇才

岳鄂王墳上作

朔雪炎風共此年中原父老亦堪憐豎儒屢遣祈求使大將空
持殺伐權忠諫有碑書大節奸邪無面見重泉至今宰木猶南

劉脫有
賦帝破

拱遺憾西陵是墓田

陪宴相府得芍藥花有賦

醉吐車茵愧不才
馬前胡蝶趁花回
玉瓶盛露扶春起
錦帳圍燈照夜開
垂白敢思溱洧贈
歌紅還是廟廊裁
楊州何遜空才思
誰對高寒詠閣梅

退居湖上投贈楊左丞四首

樓外湖光白渺茫
樓中少婦試新粧
行年將近半百歲
大醉豈能千萬場
織綃舞裙飛蛺蝶
白描歌扇睡鴛鴦
乘楊滿院無人到
芍藥花開日正長

信馬蘓公堤上行
水邊鷗鷺不曾驚
春波滿眼湖光細
花片飛來雨點輕
天上碧雲如有詠
樓中紅袖謾多情
牧之老去狂心歇
總把風流付後生

宿酒猶多睡未忺好風何處散香奩可教春日閑瑤瑟而使楊
花撲繡簾削迹不煩三顧重息機將廢六壬占今朝畫省無公
事又得從容少避嫌

且觀神女為行雨莫問郎官應列星芳草到門無俗駕好山終
日在湖亭白鷗共戲荷葉小黃鳥亂啼楊柳青肯信曲欄干外
立晚涼吹得酒都醒

宴犒將士酒酣命健兒舞劍為樂浙省平章泣下不禁
感事有賦

平陸龍蛇起殺機旄頭又自照金微兩階千羽知何似二典君
臣豈盡非劍舞尊前昨夜電燭明帳下接晨輝可憐司馬江州
淚濕盡團花舊戰衣

陪宴後堂觀牡丹回有作

風光偏惱掖垣人。銀甕連車載酒頻。寒食烟新萬家樹。洛陽花
擅一年春。揀好任從天女散。近前不嫌丞相嗔。壓帽紅香歸路
晚。幾多瞻望馬前塵。

至浦陀洛迦山寺作佛事七晝夜祈見海岸觀世音及
善財岩七日之間。隨心應見。大衆瞻仰。無不慶讚。

丞相函香致此誠。願深海水救群生。慈悲謂可消諸惡。征伐容
將息。大兵金色圓光開寶髻。玉毫妙相珞珠璫。手中示現楊枝
露。願洗干戈作太平。

戊戌題海上作

華表仙人舊姓丁。羽毛今日惜飄零。海中又見蓬萊淺。門外空
憐楊柳青。暮雨朝雲翻覆手。落花飛絮短長亭。如何未點黃粱
飯。說道英雄夢已醒。

楊忠愍公墓工作

夢覺邯鄲萬有空邦人猶自說英雄道家論將忌三世臣子報
君唯一忠淺土何堪封馬鬣迷魂猶自恨秋風死綏固是將軍
事國史旂常盡雋功

惆悵六首

刻無六首
字

交遊蚤歲在幽燕費用黃金買少年闕下朝回瞻馬首酒間發
發把龍泉劇談寧碩日西落倒載不知天左旋惆悵近來總解
事先生五柳種門前

三山夢斷綵雲空幾把長箋賦惱公畫閣小杯鸚鵡綠玉盤纖
手荔枝紅春衫汗裏露微露夜帳香回茉莉風惆悵近來江海
上却將鞍馬學從戎

畫船湖上載春行日夕花香扇底生蘓小樓前看洗馬水仙祠

刻脫王孫
若帝破舊
枝補

畔坐聞鶯碧桃紅杏渾相識紫燕黃蜂俱有情惆悵繁華成近
水盡歸江海作潮聲

惆悵當年使酒來娼樓紅粉夜相催可憐明月二分在不見瑤
花半朵開誰復醉翁堂下柳更堪從事閣中梅楊州一片青
草誰信春來無鴈回

惆悵堆蒲海上遊武昌佳氣接神州東風歸思王孫草北渚愁
生帝子洲楚國江山真可惜劉家豚犬亦何羞不須更問中原
事官柳新栽過戟樓

至今惆悵在東城結伴看花取次行輦道駐車招飲妓宮牆回
馬聽流鶯星河織女從離別海水蓬萊見淺清不有酒船三萬
斛此生懷抱向誰傾

過楊忠愍公軍府留題

總是田家門下客誰於軍府若為情
林花滿樹鶯初散而水平
池草自生街上相逢驚故吏
馬前迎拜泣殘兵能言樓上題詩
處猶有將軍舊姓名

睡覺

滿院楊花風力輕
牡丹時月好
晴明簾垂不知白
日晚睡覺忽聞
鶯鳥鳴萬斛春光
金盞酒百年心事
玉人第劉伶未到
忘形處
枉自閑將春錦行

湖亭納涼

奈尔湖光月色何
不知此境為誰多
忽驚墜露翻荷葉
想見微風生水波
炎景只消清夜飲
老懷都付小鬟歌
家中未必涼如此
且待樽西轉絳河

燈前有賦

兩夜湖樓錦帳垂有人為尔故眠遲春衫照影看教舞寶合熏
烟學畫眉何處絕纓憐楚客為誰掩袂泣樊姬思量暗室無窮
事留到天明不忍欺

湖船勸曹德照食院酒

倩得名姬唱慢歌梁塵直欲下輕波西風八月菱荷老落日滿
湖鳬鴈多到手莫辭雙盞飲轉頭又是一年過光陰只在槐柯
上奈此浮生樂事何

宿中書左司呈上太尉丞相

天上誰聞白玉堂東垣列宿共輝光畫屏雪暎蓬山鶴錦帳雲
凝漢署香嚴尹世交憐杜老楊州詩興屬何郎連雲騎省乘風
露月過秋河夜色涼

別春次楊州成廷圭韻

刻山

燕語鶯啼盡可哀更無馬跡到青苔自從玉樹成歌後曾見銅
仙下淚來為晉為秦花幾度行雲行雨日十迴若教蝴蝶知春
夢儘把黃金付酒杯

省垣梅花

官梅過臘花開遍何遜楊州興未開疎映粉闌疑是畫香飄羅
袖欲生寒公餘不厭巡簷咲夜後還思把酒看只恐明朝零落
盡枉教人恨角聲殘

安慶南城寄賀守帥余廷心郡守韓公懋余家留是郡

故句中及之

壯哉淮邑冠荆舒新築堅城鐵不如完美皆吾大夫力真安與
尔庶民居歸來江漢朝宗水滯迹周南太史書莫說髭毛成種
種近來吾亦愛吾廬

未刻心
補後凡
生員等同

丞相委人姑蘇索各官俸米留別幕府諸公

不比常年載酒遊
杏花時節出杭州
粉園未覺為郎貴
萱草難忘此日憂
沙漠帛書空見鴈
江湖春水莫容鷗
何須折盡垂楊柳
留取他年繫別愁

至姑蘇呈太尉

相君求米若求兩
負外得船如得仙
戢忝下僚班可耻
情通隣好亦堪憐
山中碁局迷樵客
溪上桃花誤釣船
醉把玉盃無所計
不勝惆悵晚春前

城南武威樓成守帥余廷心自安慶使入索詩

自來名將出名儒
暫駐旌旂向土居
城遠朱闌連百雉
門排畫戟壯群舒
雲開五老招何及
秋對九峯清有餘
樓上記成鐫琬琰
廬陵須得蔡襄書

辭答張太尉見招

中年頓覺壯心去，涉世頗知前事非。
若使范增能少用，肯教劉表失相依。
風雲天上渾無定，麟鳳人間不受羈。
殘夢已隨丹旆遠，五湖春水一鷗飛。

秋興

一夜涼風便覺秋，楚人多感易生愁。
金盤露水何曾見，紉扇恩情未肯休。
零落梧桐宮井上，稀疏楊柳御街頭。
近來收得麻姑信，說道蓬萊更可憂。

夜登天童寺觀海日

登臨何事獨關情，北斗闌干對面橫。
漢使猶空河畔影，霓裳如在月中聲。
魚龍水闊星辰動，鴻鴈風高鈴鐸鳴。
不待下方鷄唱罷，衲僧東指海雲平。

桃花園招元顏廉訪使飲

桃花好是未全開，人世花間醉幾回。
一片嬌隨歌袖去，滿園紅待使君來。
尊罍有興皆清事，風雨明朝又綠苔。
誰見朝兒千歲質，銜中青鳥莫相猜。

武夷山

南郡名山說武夷，幔亭尚想是秦時。
空中簫管何曾絕，洞裏猿猴自不知。
石室尚遺仙旆骨，棹歌俱唱宋人辭。
山前毛竹知龍籜，咲與壺公作杖騎。

冷泉亭觀猿

舊從巫峽看猿掛，此日山中復見之。
點與樵蘓爭墜果，捷於風雨下高枝。
月沉夜澗魂先斷，風攪霜空叫轉悲。
應記往年梅嶺事，玉環曾與老僧持。

觀潮次貝廷琬韻

世代銷沉在此聲
幾回東下復西傾
翻騰日月迷朝夕
簸蕩魚龍定死生
嘶石每憐精衛小
投膠未見濁河清
眼前波浪猶如此
莫說蓬山頂上行

題後堂壁

兵權去手志何伸
耻是隨班入省頻
京國蹉跎空在夢
蓬萊清淺已生塵
統朝謾贈秦人策
孔子將書魯國麟
散騎得辭丞相後
五湖安往不閑人

春閨詞

白日高堂欲暮難
鳴鳩乳燕靜相干
銀瓶行酒雙環綠
玉瑄調笙十指寒
胡蝶每因飛過見
牡丹多是折來看
明朝為遣安西使
錦字紅燈織夜闌

春懷

幾沈先生漉酒巾
眼中猶自落花頻
春來祇與醉為伴
睡起翻疑夢是真
翠羽棲香秦隴鳥
玉釵墜鬢雒陽人
風光已逐流年去
此事那容更問津

湖上漫興

百鎰黃金一咲輕
少年買得是狂名
尊中酒釀湖波綠
席上人歌鳳語清
蛺蝶畫羅官樣扇
珊瑚小柱教坊箏
南朝舊俗憐輕薄
每到花時別有情

爛熳風光在酒家
狂蜂冶蝶趁繁華
人來人往如趨市
樓上樓前盡屬花
波面畫舫雙邊漿
堤邊黃犢一遊車
目成眉語知何限
銷盡柔荑在挾斜

湖上新泥雪漸融
門前清水暗相通
裙欺萱草輕盈綠
粉學櫻

挑淺淡紅幕兩欲來銀燭上春寒猶在酒尊空青綾被薄不成
夢又是一番花信風

樂事杭州奈尔何人間富貴易銷磨畫船湖水年年在紅粉唱
樓處多歌引行雲來綺席舞番迴雪下春波東坡往日留詩
後更有何人載酒過

聞鶯

風花時節又清明逆泪何緣曉曉鶯咫尺故鄉天近遠幾家春
草路縱橫英雄轉眼俱為鬼造物於人豈絕情自是晚生走舜
世不關天地不昇平

同趙郎竹園夜飲

塵土無由得見假粉牆高護碧雲深日行南陸暑不到月過天
河龍自吟沉飲何妨同阮籍幽情亦或過山陰夜涼庭院羅衣